



BOSNIA AND HERZEGOVINA
MINISTRY OF FOREIGN TRADE AND
ECONOMIC RELATIONS

Broj: 09-3-16-2920-2/16
Sarajevo, 12. 10. 2016. godine

Na osnovu člana 61. stav 2. Zakona o upravi ("Službeni glasnik BiH" br. 32/02 i 102/09), u skladu sa članovima 64. stav (1) tačka b) i 70. Zakona o javnim nabavkama („Službeni glasnik BiH“ broj 39/14), a u vezi sa članom 5. stav (2) tačka f) Pravilnika o uspostavljanju i radu komisije za nabavke („Službeni glasnik BiH“, broj 103/14), Ministar vanjske trgovine i ekonomskih odnosa Bosne i Hercegovine, d o n i o j e

ODLUKU

o izboru najpovoljnijeg ponuđača za zaključivanje okvirnog sporazuma u predmetu nabavke robe – kancelarijskog materijala

Član 1.

Prihvata se preporuka Komisije za javne nabavke Ministarstva vanjske trgovine i ekonomskih odnosa BiH, o izboru najpovoljnijeg ponuđača za zaključivanje okvirnog sporazuma u predmetu nabavke robe – kancelarijskog materijala, za potrebe Ministarstva vanjske trgovine i ekonomskih odnosa BiH u 2016. godini, a koji se dodjeljuje firmi **R&S d.o.o. Sarajevo-Vogošća**.

Član 2.

Ponuđač iz člana 1. ove Odluke dostavio je najpovoljniju ponudu, odnosno ponudio je najnižu cijenu u skladu sa članom 64. stav (1) tačka b) Zakona o javnim nabavkama u iznosu od **13.260,68 KM**, sa računatim popustom i PDV-om.

Član 3.

Sa izabranim ponuđačem iz člana 1. ove Odluke će se zaključiti Okvirni sporazum na period od 12 mjeseci.

Član 4.

Za realizaciju ove Odluke zadužuje se Sektor za pravne i opće poslove Ministarstva vanjske trgovine i ekonomskih odnosa Bosne i Hercegovine.

Član 5.

Ova Odluka stupa na snagu danom donošenja.

O b r a z l o ž e n j e

Ministarstvo vanjske trgovine i ekonomskih odnosa Bosne i Hercegovine (u daljem tekstu: Ministarstvo) je dana 19.09.2016. godine, Odlukom broj 09-3-16-2920/16, pokrenulo konkurentski postupak za nabavku robe – kancelarijskog materijala i isti je, dana 20.09.2016., u 16.27, pod brojem 673-7-1-12-3-10/16, objavljen na portalu Agencije za javne nabavke.

U ostavljenom krajnjem roku za dostavljanje ponuda na dan 04.10.2016. godine, Ministarstvo je zaprimilo tri blagovremene i uredno zatvorene, kovetirane ponude i to:

1. **PLAN PLUS d.o.o. Zenica - ukupna cijena (popust nije ponuđen) sa PDV-om =14.766,22, KM;**
2. **R&S d.o.o. Sarajevo-Vogošća - ukupna cijena (popust nije ponuđen) sa PDV-om =13.260,68 KM;**
3. **PRIMAPROM d.o.o. Banja Luka - ukupna cijena sa uračunatim popustom i PDV-om =14.765,53;**

Prema izvještaju Komisije za javne nabavke Ministarstva (u daljem tekstu: Komisija), broj: KJN-interno/16 (Veza: Odluka br. 09-3-16-2920/16) od 19.09.2016. godine, koja je izvršila detaljne uvide u dokumentaciju pristiglih ponuda i provjere usklađenosti istih sa tenderskom dokumentacijom, utvrđeno je dostavljene ponude zadovoljavaju sve formalnopravne i tehničke uslove navedene u Tenderskoj dokumentaciji i smatraju se prihvatljive.

Shodno navedenom Komisija je, prema utvrđenom kriteriju najniže cijene, član 64. stav (1) tačka b Zakona o javnim nabavkama, predložila Ministru vanjske trgovine i ekonomskih odnosa BiH, da donese Odluku o izboru najpovoljnijeg ponuđača za zaključivanje okvirnog sporazuma u predmetu nabavke robe-kancelarijskog namještaja za ponuđača:

- **R&S d.o.o. Sarajevo-Vogošća - ukupna cijena (popust nije ponuđen) sa PDV-om =13.260,68 KM;**

Uzimajući u obzir naprijed navedeno, odlučeno je kao u dispozitivu ove Odluke.

Pouka o pravnom lijeku:

Protiv ove odluke može se u pisanoj formi uložiti žalba najkasnije u roku od 5 dana po prijemu odluke. Žalba se podnosi ugovornom organu.



Dostaviti:

- ponuđačima
- Sektoru za opće i pravne poslove
- a/a